

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA
Broj: T04 0 KT 0060532 25
Zenica, 23.05.2025. godine

OPŠTINSKOM SUDU U ZENICI
-Sudiji za prethodno saslušanje-
ZENICA

Na osnovu člana 45. stav 2. tačke i), člana 241. stav 1. ZKP-a F BiH, p o d i ž e m

O P T U Ž N I C U

Protiv:

1. **A. H.**, neosuđivan,
2. **Č. T.**, neosuđivan,
3. **M. A. A.** neosuđivan,
4. **H. DŽ.**, neosuđivan,
5. **B. N.**, neosuđivan,
6. **L. S.**, neosuđivan,

Što su zajedno

Dana 15.09.2024. godine oko 18:45 sati na području grada Zenica, u mjestu L., na magistralnom putu M5, svi zajedno u sastavu grupe ljudi i sa drugim NN licima, nasiljem prema drugom i naročito drskim i bezobzirnim ponašanjem ugrozili građanski mir na način da su se A. H., Č. T., M. A. A., H. Dž., B. N., i L. S., na lice mjesta dovezli putničkim motornim vozilom marke „...“ reg. oznaka ... i putničkim motornim vozilom marke „...“ reg. oznaka ..., da bi potom presreli autobus marke „...“ reg. oznaka ... u kojem se nalazilo oko trideset putnika navijača ..., a koji su se vraćali iz Doboja sa utakmice ..., nakon čega su na autobus bacali kamenje, drvene predmete, pirotehnička sredstva uslijed čega su nastala oštećenja na autobusu i putničkom motornom vozilu marke „...“ reg. oznaka ... kojim je upravljao R. A., svjesni da takvim ponašanjem u sastavu grupe nasiljem prema drugom, naročito drskim i bezobzirnim ponašanjem ugrožavaju građanski mir, a što su i htjeli,

Čime su: A. H., Č. T., M. A. A., H. Dž., B. N., i L. S. zajedno počinili krivično djelo „Nasilničko ponašanje“ iz člana 362. stav 2. u vezi sa stavom 1. KZ F BiH u vezi sa članom 31. KZ F BiH.